



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An Princeps sæcularis in casu necessitatis publicæ gabellas super bonis
Ecclesiasticis imponere possit absque Ecclesiasticorum, & Pontificis
censisu?

urn:nbn:de:hbz:466:1-41144

C A S U S III.

De obligatione solvendi gabellas, vectigalia &c.

PRinceps aliquis sacerdotalis imponit gabellam super bonis etiam Ecclesiasticis ex publica quadam necessitate, prohibetque sub gravi poena, ne quis frumentum, vinum, aliasue merces ex territorio suo exportet, alibi distrahendas, quo tamen non obstante Mucius Mercator hujusmodi vetitas merces non in exigua copia sibi comparat, easque per vias minus notas alio clam transferri curat, absque solutione gabellæ, quas alibi non sine magno suo emolumento distrahit, & alias ibi emptas in Urbem invehit.

QUÆR. I. An Princeps in casu necessitatis publicæ, v. g. pestis, belli &c. super bonis Clericorum ejusmodi gabellas imponere possit absque Ecclesiasticorum, & Pontificis consensu?

QUÆR. II. An fraudantes gabellas, & vectigalia justa peccent contra Justitiam, & ad restitutionem ieneantur?

QUÆR. III. An, quando dubitatur de justitia vectigalis gabellarum, &c. quæ de novo imponuntur, aut veteres augentur, obligatio sit, eas solvendi?

15 **A**d i. Q. suppono hic saltem extra casum necessitatis, Clericorum personas, & loca Ecclesiastica imminutia & excepta esse è præstatione Tributorum, vectigalium, aliarumque exactiōrum à sacerdotali Principe, aliōve simili Magistratu impofitarum, utpote loca, & personas à sacerdotali Jurisdictione exemptas, & antiquissimo utriusque juris privilegio ab hujusmodi oneribus ex-

R. P. Leonardelli Soc. Jes.

ceptas, ac privilegiatas, Jure quidem civili, Auth. item nulla c. de Episcop. & Cler. Jure verò Canonico c. quamquam 4. de censib. in 6. c. non minus 2. &c. adversus Consules 7. de Immunit. c. quia non nulli 1. eod. in 6. atque ex Tridentino sess. 25. c. 20. de reform. idque adeo, ut qui ab Ecclesiasticis personis Tributa, & Vectigalia exigunt, excommunicationem ipso facto incurvant, vel penas Interdicti, si sit Universitas juxta c.

C

quam-

quamquam cttt. siquidem id fiat absque Indulto Pontificio, aut extra casum negotiationis Clericorum, quando scilicet hi res suas negotiationis causâ deferunt, vel transferunt, prout colligitur ex citt. c. quanquam per argumentum à sensu contrario desumptum. Quid autem sentiendum sit de bonis Clericorum pro casu necessitatis, patebit ex mox dicendis. Unde

16 Ad 1. Q. An Princeps ejusmodi gabellas imponere possit absque consensu Cleri, & Pontificis, respondet Diana p. 1. tr. 2. R. 40. negativè, quia obligatio totius populi non sufficit ad obligandum Clerum, & siquidem gabella, Tributum, aliave hujusmodi exactio imponatur pro utilitate tam Laicorum, quam Ecclesiasticorum, necesse esse amborum intervenire consensum, quia quod omnes tangit, debet ab omnibus approbari. Cap. adhuc de offic. Archidiac. & reg. 29. in 6.

17 Idem sentiunt alii communiter cum Panormit. in cap. non minus, n. 19. Molina D. 672. Laym. l. 4. tr. 9. c. 6. Sylvestr. Azor. Rodriq. Ledesim. afferentes, quando necessitas publica concernit directè, & principaliter à quæ utilitatem Ecclesiasticorum, & Laicorum, debere tunc etiam Ecclesiasticos contribuere, non tamen ad deliberationem solum Laicorum, sed præmissa deliberatione etiam ipsorum

Clericorum. Quo in casu si Clericus absque legitima causa nollet consentire, posse Laicos implorare auxilium Superioris Ecclesiastici, ut Clericos compellat; posse autem eos compelli à Superiore Ecclesiastico, quando Collecta, gabella, vel tributum directè, & immediate concernunt utilitatem quoque ipsorum Clericorum ut & ipsi contribuant, docent Molin. tr. 3. D. 672. Th. Sanch. l. 2. Consil. c. 4. dub. 55. Laym. l. c. Abb. citt. Sylvester. aliquie: Non tamen poterunt Clerici à Laicis ad solvendum compelli, prout incautè, & male concedit Coriolanus, qui ait posse Clericos coram Judice seculari conveniri in censibus, & tributis, eò quod videantur potius res eorum, quam personæ conveniri, id, quod admittunt non nulli Jurisconsulti, dumodò Judex Laicus procedat contra bona, & non contra personam Clerici. Sed, ut dixi, male, & falso, cum nec ratione consuetudinis, nec alio ex capite id sustineri possit. Non ratione consuetudinis, ut tanet communissima DD. sententia apud Ills. utpote quæ corruptela est, & reprobata per Canones, ipseque suminus Pontifex singulis annis in Bulla Coenæ Domini expressè abrogat omnem consuetudinem, quæ derogat immunitati Ecclesiasticæ, adeo, ut contra hanc nullo tempore praescribi possit ut notat Molina l. c. & patet ex Auth. cassa c. de sacro-san. Eccl. c. non minus de Immunit. Eccles.

Nec

Nec alio ex capite; nam hoc ipso, quod persona Clerici exempta sit a Laicali Jurisdictione, exempta sunt etiam ejus bona, cum haec semper adhaerent personae Clerici, ut observat Suarez cum aliis l. 4. c. 2. 4. & indicatur etiam leg. quae Religiosis 42. ff. D. V. quae Religiosis adhaerent, Religiosa censentur, & ideo tunc dicitur persona perfecte, & integrè exempta, quando etiam bona illius sunt exempta. Huc facit etiam illud Apostoli ad Rom. 13. subditi estote, ideo enim tributa praestatis; scilicet in signum Jurisdictionis: ergo qui a Jurisdictione sacerdotali sunt exempti, etiam horum bona a tributis erunt exempta, ab iis scilicet, quae a Principibus Sacerdotalibus ex vi solius Jurisdictionis imponuntur, non jure proprietatis; unde bona Clericorum subjecta manent oneribus & tributis realibus, quae ex vi cuiusdam pacti, vel conventionis imposta sunt bonis antequam ad Clericos devolverentur, cum res transeat cum onere suo reali. Nec obest supradictis, quod bona Clericorum sint temporalia, & civilia, atque adeò respiciant Clericum, non ut Clericum, sed ut Dominum temporalem, vel civem; quia ille non tantum exemptus est ut Clericus, sed etiam ut Civis, seu simpliciter ejus persona exempta est, & consequenter etiam ea quae illi adhaerent, ut notat citt. Suarez.; quae enim Religiosis adhaerent, sunt Religiosa l. Religiosis citt. & quae Ecclesiasticis

Ecclesiastica; res quippe, & bona sunt accessoria personæ possidentis, arg. leg. in pecudum ff. de usur. atque ideo forum sequuntur personæ possidentis, arg. l. 2. Cod. de Episc. & Cler. unde Clericus non tantum personali, sed neque reali actione conveniri potest coram Laico Judge, ut tenet communissima DD. & colligitur ex variis Juris textibus. Neque obest, quod talia bona Clerici a sacerdotalibus acceperint, & antea hujusmodi oneribus subjecta fuerint; nam cum persona possessoris, quae excepta est, mutata etiam fuit qualitas, seu conditio rei personæ adhaerentis. Id, quod sumitur ex c. quamquam de censib. in 6. aliisque supra citatis. Neque obstant hic aliquæ leges civiles, ut lex de his de Episc. & Cleric. lex ad instructiones 7. lex placet 5. Cod. de SS. Eccles. &c. Statuentes, ut tributa solvantur etiam a Clericis ex bonis temporalibus, quando generaliter omnibus bonis sunt imposta; nam haec leges, citt. & aliae revocatae, & abrogatae fuerunt per Constitutionem Friderici Imperatoris in citt. Auth. item nulla &c. immo & ante hanc invalidæ, & nullæ fuerunt, utpote, in materia Ecclesiastica & in præjudicium Ecclesiæ disponentes, ut notat Suarez de immun. c. 21. n. 16. Porro an in casu necessitatis publicæ, quando necessitas directe, & immediatè sequitur respicit bona Ecclesiastico-rum, ac Laicorum, consulendus prius sit summus Pontifex, affirmati

tivè respondet Mendo *Verb. Eccles.*
Immunit. n. 10. qui ait Ecclesiasticos
 non teneri contribuere ad construc-
 tionem murorum, pontium, aper-
 tionem fontium, & similia; quia
 eā utilitate solum gaudent secun-
 dariò, & ex consequenti, prout
 sunt domestici in illa Republ. sed
 solum contribuere debere ad ea,
 quæ primò, ac per se sunt bona com-
 munia æquè Ecclesiasticis, & sacer-
 laribus, debitiss conditionibus præ-
 euntibus! numero tamen septimo
 monet, non æquè Ecclesiasticos ac
 sacerulares teneri ad expensas tem-
 pore belli; putat enim in primis ad
 sacerulares præcipue, & immediatè
 pertinere dare ejusmodi collectas,
 & remotè, ac minus principaliter
 ad Ecclesiasticos, quatenus sunt
 membra Reipubl. & antequam Ec-
 clesiastici subveniant de bonis suis,
 vult consulendum esse Pontificem,
 cui suffragatur *Lug. l. 5. Responf.*
moral. dub. 3. ob facultates petitas,
 & concessas in hujusmodi casibus
 à Clement. VIII. & Urban. VIII.
 qui non absolutè, sed cum limitati-
 one concederunt quibusdam Civi-
 tatis, ut collectæ etiam ab Eccle-
 siasticis solvantur, non absolutè,
 ut dixi, sed cum hac limitatione,
 ut priùs fiat discussio bonorum
 Laicorum, constetque illa non suf-
 ficeret, ut commode soli Laici sol-
 vere possint. Ut adeò videatur
 mens eorum fuisse, ut in hisce eti-
 am casibus Ecclesiastici solvere non
 teneantur, nisi in defectum faculta-
 tum Laicorum.

Verū ut summus Pontifex pri- 18
 us consulatur in casu specialis ne-
 cessitatis, quando necessitas direc-
 tè, & immediate æquè respicit bo-
 na Ecclesiasticorum, aut periclit-
 atur commune bonum, negat
Diana l. c. ubi dicit, sed notandum
 est, quod in hujusmodi casibus non
 habeat locum *cap. adversus de con-*
sultatione Rom. Pontificis. Id ip-
 sum docent Sylvest. V. *Immunitas*
n. 20. Laym. l. c. Molin. l. c. Lu-
 dovic. à Gandavo, Panormitan. &
 alii. Moventur, tum quia neces-
 sitas non habet legem, ex qua eti-
 am fit, ut tempore necessitatis nul-
 lis Ecclesiasticus excusetur à mu-
 rorum vigiliis, quia in necessitate
 cessat privilegium ait *Gloss. in c. per-*
venit de Immunit. Eccles. & Panormit.
n. 6. concludit, in magna necessita-
 te, si aliter Civitas defendi non pos-
 sit, etiam Clericos obligari ad vi-
 gilias, idque naturali Jure. Tum
 quia Concil. Later. in dicto cap.
 non minus loquitur solum de nec-
 cessitate, aut utilitate publica, id est,
 per se, & principaliter pertinente
 ad ipsam Communitatem, seu
 Rempubl. cuius Clerici membra
 quidem sunt, sed privilegiata, at-
 que exempta; in positio autem ca-
 su, sermo est de iis circumstantiis,
 ubi specialiter vertitur periculum
 etiam ipsarum Ecclesiarum, & bo-
 norum Ecclesiasticorum,

Ante. 2. Q. solutionem, notan- 19
 dum est, gabellam apud Toletum
l. 5. Instrut. sacerd. cap. 72. dici tri-
 butum

burum publicum à Principe in communem utilitatem exactum; tributum verò vocat id, quod aliquis dat, seu contribuit, sive pecunia sit, sive pecunia estimabile.

Gabella autem dicitur, & sumitur à DD. variis modis, & nominibus, quorum usitatores sunt sequentes modi. Primo modo dicitur vectigal, à vehendo, quod de mercibus in civitatem invectis, vel evectis solvitur. Dicitur etiam portorium, eō quod solvatur in porta Civitatis, item Dogana, & pedagium. Alter modus est, quo solvitur pro ducatu, & habilitate viarum, ut viator commodum, & securum habeat iter à latronibus, & tunc quidagium dicitur quod aliquando ē mercibus, aliquando ē sola persona solvitur. Tertius modus est, quo solvitur ex his, quae in Civitate emuntur, & venduntur, & dici etiam solet gabella, vocabulo restricto, commune applicando particulari. 4. Modò dicitur Tallia, id est, Summa aliqua, quam Princeps aliquando pro occurrentibus necessitatibus exigere solet ab inferioribus. Cæterum in ordine ad obligationem solvendi, horum diversitas non est nisi materialis.

20 Notandum 2. ad hoc, ut gabella, tributum, vectigal &c. justum sit, & pro justo habeatur, quatuor ab AA communiter requiri. Primò requiritur legitima potestas in eo, qui imponit gabellam, vectigal &c.

qualis potestas respectu subditorum cuilibet conceditur, qui regit multititudinem suis legibus, neque civile Ius, seu potestatem regendi ab alio superiore accipit. 2. Requiritur causa finalis, seu justitia ex parte finis, quem DD. Bartolum secuti, in II. C. de vectigal. docent publicam esse utilitatem, atque necessitatem; gabella quippe, tributum &c. non contribuitur, nisi in bonum, & utilitatem publicam: unde & quæ Principi dantur ad ejus sustentationem, cedunt in bonum publicum, quatenus ipsa Regis, aut Principis conservatio est quædam publica utilitas. Notat autem hic Tolet. l. c. cum aliis, illud in omni gabella necessarium esse, ut cessante fine propter quem imponitur, & ipsa cesseret, nisi aliis æqualis finis successerit: ex quo fit, inquit, ut multæ gabellæ multum ex injustitia ad mixtum habent, atque non excusari ab injustitia Principes, qui gabellas exigunt in proprios luxus & prodigalitates. 3. Requiritur justitia ex parte materiae, ut scilicet materia legitima, supra quam vectigal imponitur, per se sint duntaxat res ad negotiationem, & mercaturam pertinentes, non item quas quis sive ex macello, sive aliunde ad suæ vitæ necessarium usum defert, prout non obscurè definiunt leges Codicis l. universi Provinciales C. de vectig. & comm. l. omnium eod. tit. & tenent Tolet. l. c. Navar. Sal. Cajet. Rosell. Sylvest. Gabr. Medina Less. O-

C 3

stien

stiens. Angel. alii complures cùm & apud Comitol. l. 6. q. 36. improbantes, & reiicientes contraria consuetudinem, præsertim respectu pauperum. 4. Requiritur justitia ex parte formæ, ut scilicet gabella sit moderata & servetur proportio inter subditos ratione tributi solvendi, ne plus pauperes onerentur, quād divites, cùm justitia potius postulet, ut qui plus habet, plus ab eo exigatur. Unde cùm perdifficile sit, existere aliquod vectigal quatuor omnibus justis causis communium, idcirco canon quamquam de censib. lib. 6. e-jusmodi vectigalia, præsertim nova, condemnat tanquam injusta. His notatis.

21 Ad 2. Q. defraudantes gabellas, & vectigalia non peccare graviter, ac proin non teneri ad restitucionem, centent complures cum Mart. Navarr. in man. c. 23. à n. 55. Medin. 1. 2. q. 90. a. 4. Henric. tom. 1. l. 7. c. 36. §. 4. Tabiena v. pedagian. 8. & 9. Reginald. in praxi tom. 1. l. 15. c. 6. f. 6. Lud. Beja 1. parte Resp. cas. 13. Soto l. 3. de J. & J. q. 6. a. 7. Diana p. 1. tr. 10. R. 19. Eman. Sà v. gabella n. 6. Angel. v. pedagium. Lazar. aliisque Rationem dant. 1. Quia lex purè poenalis secularis non obligat in conscientia ad poenam æternam, juxta conplurium gravissimorum Doctorum opinionem; defraudantes autem gabellas, & vectigalia transgrediuntur dumtaxat legem poena-

lem? ergo 2. Quia consuetudo moderatur legem, & interpretatur animu[m] Legislatoris: ipsi autem Principes sciunt homines consueisse gabellas defraudare, nec Confessarios sibi scrupulum facere de restitutione imponenda, dumque solam poenam temporariam exprimunt & culpam subticent, hanc excludere videntur, nolleque subditos arctare ad poenam æternam; præsertim cùm in ferendis legibus ordinariè non utantur verbo præcipiendi, sed verbo statuendis sub conditione poenali, & in dubio benignior interpretatio de voluntate Principis sit præsumenda, 3. Quia sicut transgressores expoununt se periculo perdendi omnes merces pro lucranda illa portione gabellæ debita, ita gabellarri exponunt se fortunæ lucrandi, omnes easdem merces pro perdenda illa parte gabellæ: sicut ergo invenientes eos, qui non solvunt, retinent in foro conscientiæ illas merces ut lege damnatas, ita non solventes retinent illam portionem debitam alias gabellæ, à lege seu tacito Principis consensu permisam. 4. Quia cum finis talium legum sit tantum temporalis, Reipubl. felicitas, & tranquilitas non postulat peccati reatum coram Deo, sed meritis poenis sufficienter obtinetur. Contra vero ejusmodi leges gabellarum, tributorum, vectigalium &c. obligare in conscientia, & obligationem restitutio[n]is inducere, si constet, esse justè im-